



## Affischa

### Suprastanza cumünala dals 01.07.2019

Presidi: Peer-Puorger Victor  
Partecipant/s: Kirchen-Werro Armon  
Riatsch-Fedi Fadri  
S-chüsà: Caviezel-Domenig Ursina  
Mayer-Schlegel Armon  
Protocol: Fallet-Taverna Marco  
Fabrica: Paulmichl-Rodigari Albin  
Giast/s: Oswald Gian Claudio

| tractandas | tema                                                                                                                                                                                                                      | responsab<br>el |
|------------|---------------------------------------------------------------------------------------------------------------------------------------------------------------------------------------------------------------------------|-----------------|
| 1          | 0210 Administraziun cumünala<br><b>Persunal cumünal</b><br>Nouv manader d'administraziun / aboccamaint cul candidat e tscherna da quel                                                                                    | vp              |
| 2          | 0120 Executiva<br><b>Acconsentimaint protocol</b>                                                                                                                                                                         | tuots           |
| 3          | 0220 Uffizi da fabrica<br><b>Dum. da fabrica no. 022/2019, batschigl da sarinera, Zanetti Men, parcella no. 7312, Vadrain 1-331, 7560 Martina</b>                                                                         | vp/ap           |
| 4          | 0220 Uffizi da fabrica<br><b>Dum. da fabrica no. 024/2019, batschigl da sarinera, Taisch Hermann und Mario, parcella no. 6083, Vinadi 1-255, 7560 Martina</b>                                                             | vp/ap           |
| 5          | 0220 Uffizi da fabrica<br><b>Dum. da fabrica no. 025/2019, chamonnna nouva (sbodada chamonna existenta), lingia d'aua, batschigl d'aua persa, Gisep-Denoth Claudio, parcella no. 10773, Tschardaina 256A, 7558 Strada</b> | vp/ap           |
| 6          | 0220 Uffizi da fabrica<br><b>Dum. da fabrica no. 018/2019, rimplazzamaint da las lobgias, Denoth-Köhle Duri, parcella no. 6144, La Foppa 1-170C, 7558 Strada</b>                                                          | vp/ap           |
| 7          | 7201 Provedimaint d'aua persa<br><b>Proget chanalizaziun Sclamischot</b><br>Planisaziun / dumonda da credit da frs. 27'000.00                                                                                             | vp/ap           |

|    |      |                                                                                                  |       |  |
|----|------|--------------------------------------------------------------------------------------------------|-------|--|
|    | 8200 | Gestiun forestala                                                                                |       |  |
|    |      | <b>Proget sanaziun vias da god (SIE)</b>                                                         |       |  |
| 8  |      | Progets forestals: sanaziun via Chomp sur Vi e sanaziun via Plajezan / contribuziuns chantunalas | vp/ap |  |
|    | 8200 | Gestiun forestala                                                                                |       |  |
|    |      | <b>Proget sanaziun vias da god (SIE)</b>                                                         |       |  |
| 9  |      | Sanaziun punt Brancla-Zuort / dumonda da credit da sfr. 350'000.00                               | vp/ap |  |
|    | 8200 | Gestiun forestala                                                                                |       |  |
|    |      | <b>Proget sanaziun vias da god (SIE)</b>                                                         |       |  |
| 10 |      | Spotamaint via Raschvella / dumonda da credit da sfr. 50'000.00                                  | vp/ap |  |
|    | 7900 | Planisaziun dal territori                                                                        |       |  |
|    |      | <b>Zona da sveltezza 30</b>                                                                      |       |  |
| 11 |      | Posiziun da la cumischiun per distinguer las sveltezzas maximalas                                | vp/ap |  |
|    | 0120 | Executiva                                                                                        |       |  |
| 12 |      | <b>Orientaziuns</b>                                                                              | tuots |  |
|    | 0120 | Executiva                                                                                        |       |  |
| 13 |      | <b>Varia (suprastanza cumünala)</b>                                                              | tuots |  |

0210 Administraziun cumünala

**Persunal cumünal****70**

Nouv manader d'administraziun / aboccamaint cul candidat e tscherna da quel

Gian Claudio Oswald as vaiva interessà pella piazza. Sün quai vaivan lura il capo insembel culla manadra da finanzas ed il manader tecnic salvà ün aboccamaint cun el. Lasupra ha lura Gian Claudio inoltrà sia candidatura.

Il capo til preschainta cuort a la suprastanza ed infuorma supra l'aboccamaint manzunà. El es vaschin da Müstair ed es là eir creschü sü. El abita a Samignun, es maridà ed ha duos uffants. Actualmaing lavura el pro l'uffizi fundiari a Scuol.

Il candidat as preschainta, repassa sia vita professiunala fin da qua e respuonda a las dumondas chi til vegnan fattas. Davo la discussiun s'absainta el da la sezzüda.

Da la discussiun resulta, cha'l caditat haja persvas. Ella tscherna cun vusch unanima a Gian Claudio Oswald sco nouv manader d'administraziun.

0120 Executiva

**71 Acconsentimaint protocol**

Il protocol da la sezzüda dals 3 da gün 2019 vegn approvà.

0220 Uffizi da fabrica

**72 Dum. da fabrica no. 022/2019, batschigl da sarinera, Zanetti Men, parcella no. 7312, Vadrain 1-331, 7560 Martina**

Il batschigl cumpiglia 4,8 m3. La fatschenda es in uorden. La suprastanza decida da suottametter la dumonda al proceder dal BAB.

0220 Uffizi da fabrica

**73 Dum. da fabrica no. 024/2019, batschigl da sarinera, Taisch Hermann und Mario, parcella no. 6083, Vinadi 1-255, 7560 Martina**

I's tratta d'ün nouv sistem da sarinera, il qual persvada. La suprastanza va daperüna cun quai e decida d'introdüer il proceder dal BAB.

0220 Uffizi da fabrica

**74 Dum. da fabrica no. 025/2019, chamonnna nouva (sbodada chamonna existenta), lingia d'aua, batschigl d'aua persa, Gisep-Denoth Claudio, parcella no. 10773, Tschardaina 256A, 7558 Strada**

L'examinaziun da la documainta demuossa cha quella es avantman in möd cumplet. Id es previssa la construcziun d'üna nouva chamonna cul ingrondimaint admiss da 30%.

La suprastanza decida d'introdüer il proceder dal BAB.

0220 Uffizi da fabrica

**75 Dum. da fabrica no. 018/2019, rimplazzamaint da las lobgias, Denoth-Köhle Duri, parcella no. 6144, La Foppa 1-170C, 7558 Strada**

Previs esa da rimplazzar las spuondas da lain cun plattas d'aluminium, culur brüna (rostbraun). La suprastanza va daperüna cun quai e decida da conceder il permiss.

7201 Provedimaint d'aua persa

**Proget chanalisaziun Sclamischo**

**76** Planisaziun / dumonda da credit da frs. 27'000.00

Il manader tecnic infuorma, cha l'offerta pella progettaziun e la guida da fabrica pella varianta decisa da la suprastanza saja avantman. Il büro Canclini offerischa la somma da frs. 24'000.00. Implü ston amo gnir resguardats cuosts da geometer, uschè cha la direcziun suottametta a la suprastanza la dumonda per ün credit da frs. 27'000.00.  
Quella va daperüna cun quai e decida da conceder il credit bsögnaivel.

8200 Gestiu forestala

**Proget sanaziun vias da god (SIE)**

**77** Progets forestals: sanaziun via Chomp sur Vi e sanaziun via Plajezan / contribuziuns chantunalas

Davart da l'uffizi da god e privels da la natüra vegn informà supra l'otezza da las subvenziuns da la confederaziun e Chantun.

Uschè as poja quintar cun 68% pel proget Tschlin; Chomp Survi e cun 66% pel proget Tschlin; Plajezan. I'l preventiv d'eira gnü quintà cun subvenziuns da 72%, quai chi significha üna somma da cuosts implü pel cumün da frs. 31'200.00.

La suprastanza piglia cogniziun da quai ed accepta la diminuaziun da las contribuziuns.

8200 Gestiu forestala

**Proget sanaziun vias da god (SIE)**

**78** Sanaziun punt Brancla-Zuort / dumonda da credit da sfr. 350'000.00

Il manader tecnic infuorma sur da la problematica in basa als plans ed impustüt eir in basa a diversas fotografias. Las devastaziuns d'ultimamaing han donnagià ferm tuot ils repars e mürs chi d'eiran gnüts realisats nouv be avantn ün on. Ils cuosts pella realisaziun da la punt s'amuntan a frs. 246'000.00.

Il preventiv per refar tuot quels dons demuossa üna somma da ca. frs. 350'000.00. Quai significha cha tuot il proget chaschuna fin l'ultim cuosts da bundant frs. 596'000.00. Davart dal servezzan forestal vegn miss in vista la subvenziun üsitada da 72%. Dals cuosts restants surpiglia il cumün da Scuol sco eir il Bain Zuort minchün ün terz.

La suprastanza es però stupefatta dal fat, cha davo be ün on han las novas serras e mürs subi similis dons. L'investiziun supplementara es inevitabla e chaschuna cuosts enoms. La suprastanza decida d'intervenar pro'l Chantun e da pretender sco prüm chi gnia fatta üna perizia sur da la progettaziun (lavurs d'indschegner) e las lavurs da construcziun prestadas l'on passà.

8200 Gestiu forestala

**Proget sanaziun vias da god (SIE)**

**79** Spostamaint via Raschvella / dumonda da credit da sfr. 50'000.00

L'En ha maglià oura la riva in möd massiv, uschè cha la via d'access per Raschvella es cuort ant co gnir demolida. Uschè esa bsögnaivel da trar masüras immediatas. Seguond proposta dal servezzan forestal es quai pussibel cun construir ün sviamaint da ca. 200m lunghezza. Il manader tecnic preschainta la varianta previsa. Ils cuosts s'amuntan a raduond frs. 50'000.00. I's po quintar cun üna subvenziun da 72% uschè chi resta al cumün da surtour amo ca. frs. 14'000.00.

La suprastanza es perincletta cun quai e conceda il credit bsögnaivel.

7900 Planisaziun dal territori

**Zona da sveltezza 30**

**80** Posiziun da la cumischiun per distinguer las sveltezzas maximalas

Da nossa vart d'eira gnüda inoltrada la dumonda pell'introducziun d'üna zona da sveltezza 30 e quai pella fracziun Ramosch sco eir la fracziun Strada (extensiun da la zona 30 existenta).

La cumischiun per sveltezzas maximalas differenziadas ha uossa decis sco segua:

#### Fracziun Ramosch

L'introducziun d'una nouva zona da sveltezza 30 per tuot la fracziun es gnüda approvada.

#### Fracziun Strada

L'extensiun da la zona da sveltezza 30 existenta süll'antieriura via chantunala in direcziun Rossas es gnüda refüsada. Ultra da quai ha la cumischiun eir refüsà l'introducziun d'una zona da sveltezza generala da 50.

La supranza piglia cogniziun da quai. Ella desista da recuorrer cunter la decisiun.

Il manader tecnic s'occupa uossa da la realisaziun pella fracziun Ramosch.

0120 Executiva

### **81 Orientaziuns**

#### Capo

Fabricat Evelyne Blanc: La patruna da fabrica ha infuormà in scrit al capo d'avair fixà uossa ils plastics chi cuvernaivan parts da la fatschada. Implü sun eir gnüdas montadas alchünas fanestras. Las ulteriuras lavuors seguan uossa amo.

#### Capo Victor Peer ed anteriur chanzlist, Georg Luzzi

Cunter els duos d'eira gnü inoltrà d'ün abitant da Ramosch avant bundant 4 ons ün plont da cuntrafacziun al secret d'uffizi. Tuot il proceder ha dürà fin als 27 da gün 2019. Là ha il tribunal regiunal Engiadina Bassa / Val Müstair salvà sia trattativa principala ed ha trat la decisiun, dimena amenduos sun gnüts declerats per innozaint e quai in tuot ils regards.

#### Armon Kirchen

#### Gurlaina SA

El ha fat part a la sezzüda dal cussagl administrativ ed a la radunanza generala ed infuorma lasupra. Ils responsabels ingrazchan cordialmaing als cumüns pel sustegn finanziel annual.

#### Auto da Posta GR / 100 ons giubileum

El ha fat part a la festa a Cuaira ed infuorma sur dal bel program dal di chi'd es gnü sport in quell'ocasiun. Da nossa regiun d'eiran rapreschantats il cumün da Valsot e quel da Val Müstair.

#### Bogn Engiadina

El ha fat part a la sezzüda dal cussagl administrativ ed a la radunanza generala ed infuorma lasupra. Là es gnü preschantà il nouv directer, Claudio Duschletta.

0120 Executiva

### **82 Varia (supranza cumünala)**

Da la tractanda varia nu vegn fat adöver.

7556 Ramosch, 04.07.2019



Il capo:

*[Handwritten signature in blue ink]*

Il manader administraziun:

*[Handwritten signature in blue ink]*